

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Oratio de Casparo Crvcigero

**Melanchthon, Philipp
Creutziger, Caspar**

Witebergae, 1549

VD16 M 3747

Decanus collegii philosophici.

urn:nbn:de:bsz:31-61737

adserit, & quasi dissonas uoces parit, etiam cum non
prorsus negliguntur studia literarum. Nec solum de
ceteris artibus, sed etiam de his nostris studijs

præclare dictum esse ab Euripide iudicemus,

nam omnes, nō omnia, ētēke Texuās.

DECANVS COLLEGII Philosophici.

QVOD faustum & fœlix sit
hodie hora duodecima instituetur Examen
publicum, in quo specimen eruditio[n]is prebebunt ho-
nesti & docti uiri, qui nunc gradum Magisterij Philo-
sophici petunt. Hortamur igitur Collegas nostros
& alios, qui colunt Philosophica studia, ut ad hunc
nostrum congressum amanter accedant, eoq[ue] officio
ostendant se fauore & honori horum, qui gradum pe-
tunt, & ipsis Philosophiae studijs, præsentim cum nihil
in uita humana dulcius sit talibus colloquijs de doctri-
na, que sunt imago eternæ illius Academie, in qua
audiemus doctorem filium Dei & cum Angelis, Pro-
phetis, et Apostolis de mirandis Dei operibus suauissi-
me disputabimus. Ipsa etiam frequentia in talibus con-
gressibus iunioribus ostendat ordinis nostri coniuncti-
onem, & sit exemplo ipsis, ad amandam consociatio-

B iij nem &

nem & communem concordiam, quæ Ecclesiæ Dei
præsertim hoc tempore, maxime necessaria est.

οὐ χρυσός ἀγλαός
οὐ Δασάμας
οὐτως ἀσράπιδ πρὸς ὄψιν
ὡς ἀγαθῶν ἀνθρώπ
οὐ μοφραδίων νόκτες,

Scriptum est in veteri Poemate. Ac profecto uerum,
nihil pulchrius eruditorum consensu et amicicia, quæ
quidem & speciem Ecclesiæ honestiorem efficit, &
omnibus officijs alenda est. Notissima sunt enim seu-
risimæ præcepta, quale hoc est, ο θεός αγάπη δέ, καὶ
ο μένων φύτη αγάπη φύτη δέω μλίνε, ηρέος ο θεός φύ-
τη δέω. Quid dici nobis ad consolationem maius po-
test, quam uerum & ardentem in Deo amorem esse
erga nos, ut hic adfirmat, cum inquit, Deus est dilectio.
Deinde quam seuere additum est præceptum, Qui in
dilectione manet, in Deo manet, id est, qui studia, con-
silia, & labores refert non ad faciendas dissipationes,
sed ad coniungendas uoluntates quam plurimorum &
ad communem consensum & concordiam tuendam.
Id officium & nobis curæ sit in magnis & paruis re-
bus. Nihil enim paruum est, nihil contemne, ut Mea
dici monent. Quare & nunc libenter conueniamus,
et amanter de rebus optimis colloquamur, Imo et inter
differendum uota ad Deum misceamus, ne doctrina & si-
dia inter nos extingui finat. Die Augusti 16.

Anno 1549.